



**Centraal Bureau voor de Statistiek**

Inlichtingen: (+599 9) 8392300

Adres: WTC Building, Piscaderabay z/n

E-mail: [info@cbs.cw](mailto:info@cbs.cw)

Website: [www.cbs.cw](http://www.cbs.cw)

Facebook: cbscur

# **Komunikado pa Prensa**

Willemstad, 30 di yanüari 2023

## **Desaroyo di preisnan pa konsumidó na Kòrsou pa luna di novèmber 2022**

**Willemstad - For di sifra ku Ofisina Sentral di Statistik (CBS) a publiká awe, ta indiká ku e nivel di preis promedio a subi ku 0,4 porshento na luna di novèmber 2022, kompará ku luna di òktober 2022. E sifra di inflashon a subi te na 7,1 porshento na luna di novèmber 2022.**

*Desaroyo di preis luna di novèmber 2022 kompará ku luna di òktober 2022*

E sifra índise di preis pa konsumidó (CPI, "Consumer Price Index") di Kòrsou a subi ku 0,4 porshento na luna di novèmber 2022 kompará ku luna di òktober 2022, esta el a oumentá di 116,5 na òktober 2022 pa 116,9 na novèmber 2022.

Den novèmber 2022 mayoria kategoria di konsumo a subi di preis ku eksepsion di e kategoria di konsumo di transporte i komunikashon (-0,6%). E kambio den preis mas signikativo den luna di novèmber 2022 ta e oumento di preis di produktonan alimentisio (1,0%), bibida i produktonan di tabako (1,0%), paña i sapatu (1,9%), bibienda (0,2%) di kual elektrisidat (0,4%), awa (0,2%) i kerosin (4,6%), diesel (2,1%) i e bahada signifikante den e kategoria di konsumo den transporte i komunikashon di e preis di gasolin (-9,1%).

*Desaroyo di preis luna di novèmber 2022 kompará ku luna di novèmber 2021*

E sifra índise di preis pa konsumidó (CPI) di novèmber (116,9) ta 8,6 porshento mas haltu ku e CPI di novèmber 2021 (107,7). E sifranan aki ta indiká ku e mantenshon di kosto di bida pa konsumidó durante luna di novèmber 2022 ta 8,6% mas haltu kompará ku e mes un luna na aña 2021. E kategorianan ku a kontribuí mas tantu na e subida aki ta kuminda (15,5%), muebel i aparatonan doméstiko (11,9%), bibida i produktonan di tabako (11,1%) i transporte i komunikashon (9,6%)

*Desaroyo di preis riba término largu: inflashon novèmber 2022*

Inflashon ta reflehá pèrdida di balor di sèn, pues di forsa di kompra, dor di subida di preis di produkto i servisio pa e konsumidó riba término largu (usualmente 12 luna). E sifra di inflashon pues ta duna un indikashon di e subida promedio di kosto di bida, i p'esei ta ser rekomendá komo instrumento pa indeksashon di salario, penshun, ònderstant/ benefisio sosial, suèldu mínimo i otro entrada.

Inflashon den un sierto luna ta ser kalkulá dor di komparashon di e CPI promedio di 12 luna den e luna konserní ku e CPI promedio di 12 luna den mes luna e aña anterior. Si kompará e periodo di e último 12 luna te ku novèmber 2022, ku mes periodo un aña anterior, ta resultá ku preisnan na averahe a subi ku 7,1 porshento: e CPI promedio di 12 luna a desaroyá di 105,6 na novèmber 2021 pa 113,1 in novèmber 2022.

Pa mas informashon por konsultá e wèpsait di CBS, [www.cbs.cw](http://www.cbs.cw)

////////////////////////////////////